



# PREZIDÉNSIA KONSELLU MINISTRUS

VI GOVERNUN KONSTITUSIONÁL

DILI, LORON 11 FULAN-ABRÍL TINAN 2017

## KOMUNIKADU IMPRENSA

### Sorumutuk Konsellu Ministrus nian iha loron 11 fulan-abríl tinan 2017

Konsellu Ministrus hala'o sorumutuk iha loron tersa ne'e, iha Palásiu Governu iha Dili, no aprova ona proposta sira husi Ministériu Obras Públikas, Transportes no Komunikasoin ba ratifikasaun konvensaun tolu kona-ba Direitu Tasi nian, hodi haruka ba Parlamentu Nasionál. Proposta sira ne'e maka hanesan: **Konvensaun Internasionál ba salvaguarda Ema nia Moris iha Tasi, tinan 1974 nian (Konvensaun SOLAS); Konvensaun Internasionál ba Prevensaun Poluisaun husi Ró tinan 1973 nian (Konvensaun MARPOL); no Konvensaun Internasionál kona-ba Padraun sira Formasaun, Sertifikasaun no Servisu Kuartu ba Marítimu sira nian, tinan 1978 nian (Konvensaun STCW78).** Konvensaun tolu ne'e, maka hanesan Konvensaun sira ne'ebé prinsipál husi Organizasaun Internasionál Tasi nian kona-ba matéria ne'e, ne'ebé, hamutuk ho Konvensaun kona-ba Traballu Marítimu, ne'ebé harii ona husi Organizasaun Internasionál Traballu nian, sai nu'udar pilár haat ba Direitu Tasi nian.

**Relatóriu husi konkluzsaun sira kona-ba investigasaun ba alegasaun peska ilegál,** husi empreza rai-li'ur nian ida, iha territóriu Timor-Leste, ne'ebé hato'o ona ba Konsellu Ministrus husi ekipa interministeriál ne'ebé harii tuir despaxu Primeiru-Ministru nian. Rekomendasaun sira ne'ebé apresenta ona iha relatóriu ne'e, aumenta tan ho sira seluk, ne'ebé hato'o hosi ministériu barak, ne'ebé sei hatama iha testu, hafoin sei halo diskusaun liután. Investigasaun ne'e hala'o ona husi responsavel sira Gabinete Primeiru-Ministru nian, Polísia Nasionál (PNTL), Polísia Marítima, Servisu Migrasaun, Komponente Navál Forsa Defeza nian (F-FDTL) no husi Alfândega sira, ne'ebé lidera husi Ministériu Agrikultura no Peskas.

Ministru Estadu, Koordinador Asuntus Ekonómikus no Ministru Agrikultura no Peskas hato'o ona ba Konsellu Ministrus konteúdu husi akordu tolu ne'ebé asina ho Organizasaun Nasoin Unidas nian ba Alimentasaun no Agrikultura (FAO): **Timor-Leste - Reforsu reziliénsia nian ba comunidade sira ne'ebé hasoru bailoro-naruk; Favorese kooperasaun transfronteirisa ba jestaun sustentável husi tasi Indonéziu sira nian; no Apoiu ba preparasaun Senu Agrikola dahuluk Timor-Leste nian.**



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608

Minitériu Saúde apresenta ona **akordu kolaborasaun nian iha área desenvolvimento rekursu umanu sira iha setór Saúde nian**, ne'ebé sei asina entre Ministériu Saúde no Universidade Nasionál Fiji nian, ba estudante timoroan sira ne'ebé sei ba tuir kursu saúde nian, iha universidade ne'ebá.

Sekretária Estadu Juventude no Desportu no Liga Futebol Amador Timor-Leste nian apresenta ona projetu ida kona-ba **harii estádiu futebol nian 8** ne'ebé ho qualidade Internasionál iha Timor-Leste, iha âmbito polítika apoiu nian ida ba desenvolvimento atividade ida ne'e iha país.

Universidade pública ne'e apresenta ona proposta nomeasaun ida ba membru na'in-haat hodi tama **iha Konsellu Jerál Universidade Timór Lorosa'e (UNTL) nian** to'o tinan 2021. Husi membru na'in-15 ne'ebé halo parte iha Konsellu Jerál UNTL nian, Konsellu Ministrus maka sei nomeia na'in-haat, ne'ebé husi sira na'in haat ne'e, ida husi membru Governu no na'in-tolu representante husi sosiedade sivil. Konsellu Ministrus sei halo fali análise ba proposta ne'e, hafoin halo análise ba perfil kandidatu sira nian husi Ministériu Edukasaun. **Remata**

